

# სახელმწიფო შესყიდვების შესახებ ხელშეკრულების პროექტი

ხელშეკრულება N1/19

ქ. თბილისი

3 იანვარი 2019 წელი

ერთის მხრივ, სსიპ საქართველოს ენერგეტიკისა და წყალმომარაგების მარეგულირებელი ეროვნული კომისია (შემდგომში „შემსყიდველი“), წარმოდგენილი მისი აღმასრულებელი დირექტორის მოადგილის ზაალ ჩომახიძის სახით და, მეორეს მხრივ, შპს „კლიპ არტი“ (შემდგომში „მიმწოდებელი“), წარმოდგენილი მისი დირექტორის ეკატერინე ლორთქიფანიძის სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელქტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

## მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „შემსყიდველი“ - ორგანიზაცია, რომელიც ახორციელებს შესყიდვას.
- 1.4. „მიმწოდებელი“ - პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.5. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

## მუხლი 2. ხელშეკრულების საგანი

- 2.1. წინამდებარე ხელშეკრულების საგანს წარმოადგენს ახალი ამბების სააგენტოს მომსახურების შესყიდვა (CPV92400000), ტექნიკური დავალების შესაბამისად (N<sup>o</sup>SPA180009655).

## მუხლი 3. ხელშეკრულების შესრულების კონტროლი


- 3.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია მიწოდებული საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 3.2. ხელშეკრულების 3.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს კომისიის საზოგადოებასთან ურთიერთობის დეპარტამენტის დირექტორი ნინო ლაშხია.
- 3.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

## მუხლი 4. გაწეული მომსახურების მიღება-ჩაბარების წესი

- 4.1. მიმწოდებელმა შემსყიდველის მიერ გაწეულ მომსახურებაზე უნდა უზრუნველყოს შესაბამისი მიღება-ჩაბარების აქტის გაფორმება.
- 4.2. მომსახურება ან მისი ნაწილის ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.
- 4.3. მომსახურება უნდა განხორციელდეს 2019 წლის 3 იანვრიდან 2019 წლის 31 დეკემბრის ჩათვლით.

## მუხლი 5. ხელშეკრულების ღირებულება და ანგარიშსწორების წესი

- 5.1 ერთი თვის მომსახურების ღირებულება შეადგენს 3750,00 (სამი ათას შვიდას ორმოცდაათი) ლარს.





- 5.2 წინამდებარე ხელშეკრულებით გათვალისწინებული მომსახურების საერთო ღირებულება შეადგენს 45000,00 (ორმოცდახუთი ათასი) ლარს დღგ-ს ჩათვლით („ხელშეკრულების ღირებულება“).
- 5.3. ხელშეკრულების ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.
- 5.4. ხელშეკრულების ღირებულების (ან მისი ნაწილის) გადახდა ხორციელდება უნაღდო ანგარიშსწორების წესით, ეროვნულ ვალუტაში.
- 5.5. ანგარიშსწორება ხორციელდება, ფაქტიურად მოწოდებული საქონლის ღირებულების შესაბამისად, 10 სამუშაო დღის განმავლობაში მიღება ჩაბარების აქტის და შესაბამისი საგადახდო დოკუმენტების (ანგარიშ-ფაქტურა, სასაქონლო ზედნადები) შემსყიდველისათვის მიწოდების თარიღიდან (იმისდამოკიდებით, რომელი უფრო გვიან მოხდება).

## **მუხლი 6. მხარეთა უფლება-მოვალეობები.**

### **6.1. მიმწოდებელი ვალდებულია კისრულობს:**

6.1.1. შემსყიდველი უზრუნველყოს წინამდებარე ხელშეკრულებით განსაზღვრული ყოველდღიური საინფორმაციო მომსახურებით 2019 წლის 03 იანვრიდან 2019 წლის 31 დეკემბრის ჩათვლით.

### **6.2. მიმწოდებელს უფლება აქვს:**

6.2.1. ხელშეკრულებით გათვალისწინებული საინფორმაციო მომსახურების ღირებულების დროულად გადაუხდელობის შემთხვევაში დამკვეთს შეუჩეროს საინფორმაციო მომსახურება სრულად გადახდამდე;

6.2.2. მიმწოდებლის შიდა პოლიტიკიდან გამომდინარე არ განათავსოს ვებ გვერდზე დამკვეთის მიერ მოწოდებული ისეთი საინფორმაციო ახალი ამბავი (ანონსი), რომელიც შეიცავს არაკორექტულ, არაეთიკურ, ან მესამე პირების შეურაცხყოფელ ინფორმაციას.

### **6.3. სემსყიდველი ვალდებულია კისრულობს:**

6.3.1. გაწეული მომსახურებისათვის ანგარიშსწორება განახორციელოს მიმწოდებელთან, ხელშეკრულებით განსაზღვრულ დროში და განსაზღვრული წესის შესაბამისად.

6.3.2. მიმწოდებლის მიერ მიწოდებული ინფორმაცია გამოიყენოს საკუთარი ინტერესებისათვის და მიმწოდებლის წერილობითი თანხმობის გარეშე არ გადასცეს მესამე პირებს დისტრიბუციის, გაცვლის, გაყიდვის ან სხვა მიზნით.

6.3.3. მიმწოდებლის მიერ მიწოდებული საინფორმაციო ახალი ამბავი (ნიუსები, ანონსები) გამოიყენოს 4.3.2. პუნქტის შესაბამისად მხოლოდ ერთ მედია (პლატფორმაში) საშუალებაში, ხოლო ორ ან მეტ ინტერნეტმედია (ან სხვა ელექტრონულ) საშუალებაში გამოყენება განხორციელდება სააგენტოსთან წერილობითი შეთანხმების საფუძველზე.

6.3.4. მიმწოდებლის მიერ მიწოდებული ინფორმაციის გამოყენებისას მიუთითოს ინფორმაციის წყარო (მიმწოდებელი სააგენტოს დასახელება – „ინტერპრესნიუსი“).

### **6.4. შემსყიდველს უფლება აქვს:**

6.4.1. მიმწოდებლის მიერ მიწოდებული ინფორმაციის გამოყენების პერიოდში მოახდინოს მისი თარგმნა ან რედაქტირება იმ პირობით, თუ არ შეიცვლება ინფორმაციის შინაარსი და აზრი.

6.4.2. არქივის სექმნის მიზნით მოახდინოს მიმწოდებლის მიერ მიწოდებული ინფორმაციის შენახვა, მათ შორის ელექტრონული სახით.

### **6.5. თითოეული მხარე ვალდებულია:**

6.4.1. ნებისმიერი შეტყობინება განახორციელონ წერილობით. შეტყობინება ითვლება სათანადო წესით განსაზღვრულად, თუ იგი ადრესატს გადასცა კურიერმა, გაგზავნილია დაზღვეული ფოსტით, ტელექსით ან ფაქსით ამ ხელშეკრულებაში მითითებულ მისამართზე და უფლებამოსილი პირის ხელმოწერით.

6.4.2. დაუყოვნებლივ აცნობოს მეორე მხარეს ისეთი ცვლილებების შესახებ, როგორიცაა: – მისამართები, საბანკო რეკვიზიტები, ტელეფონი, ფაქსი და ა.შ.

6.4.3. არ გაახმაუროს მეორე მხარის კომერციული და/ან კონფიდენციალური საიდუმლო, რომელიც მისთვის ცნობილი გახდა ურთიერთთანამშრომლობის შედეგად.





**მუხლი 7. მხარეთა პასუხისმგებლობა ხელშეკრულების პირობების შეუსრულებლობისათვის**

7.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში, ყოველი დაგვიანებული დღისთვის, მიმწოდებელს ეკისრება პირგასამტეხლო ხელშეკრულების ღირებულების 0,02 %-ოდენობით.

7.2 იმ შემთხვევაში თუ ვადების გადაცდენისთვის დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 3%-ს, შემსყიდველს უფლება აქვს შეწყვიტოს ხელშეკრულება.

7.3. მიმწოდებლის მიერ ხელშეკრულების შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების ღირებულების 3%-ის ოდენობით.

**მუხლი 8. ხელშეკრულებაში ცვლილების შეტანა და ხელშეკრულების შეწყვეტა**

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

8.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

**მუხლი 9. ფორს-მაჟორი**

9.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

9.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

**მუხლი 10. დავები და მათი გადაწყვეტის წესი**

1.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

**მუხლი 11. ხელშეკრულების მოქმედების ვადა**

11.1 ხელშეკრულება ძალაში შედის ორივე მხარის მიერ ხელმოწერის დღიდან და მოქმედებს 2020 წლის 31 დეკემბრის ჩათვლით.

**მუხლი 12. ზოგადი დებულებები**

1.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

12.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.



12.3. ხელშეკრულება შედგენილია ქართულ ენაზე, ოთხ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, სამი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

**საქართველოს ენერგეტიკისა და  
წყალმომარაგების მარეგულირებელი  
ეროვნული კომისია**

ქ. თბილისი, მიცკევიჩის ქ. №19  
მომსახურე ბანკი: ს/ს „თიბისი ბანკი“

ბანკის კოდი: **TBCBGE22**

ა/ა **GE60TB7727133030100001**

ს/კ 204400200



ადმინისტრაციული დირექტორის  
მოადგილე  
ზაალ ჩომახიძე

მიმწოდებლის მხრიდან:

**შპს „კლიპ-არტი“**

ქ. თბილისი, მერაბ ალექსიძის №1

ს.ს „თიბისი ბანკი“

ბანკის კოდი: **TBCBGE22**

ა/ა **GE51TB7017736020100008**

ს/კ 402006468



დირექტორი  
ეკატერინე ლორთქიფანიძე